



PAITER HUPZEELTJE

Bliedspul in drij bedrieven

geschreven

door

JOHAN E.G. RUITER

TONEELUITGEVERIJ VINK B.V.

Tel: 072 - 5 11 24 07

Fax: 072 - 5 15 53 66

E-mail: info@toneeluitgeverijvink.nl

Website: www.toneeluitgeverijvink.nl

VOORWAARDEN

Alle amateurverenigingen die het stuk: **PAITER HUPZEELTJE** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **JOHAN E.G. RUITER** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: 2011 © Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **8** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten van u te claimen, of te innen.**

PERSONEN:

Wel speelt wel:

Paiter Hupzeeltje - noaber van Grait

Grait v/d Tuuk - noaberske van...juust Pait

Berthoa (Reudel) - ook n noaber

Keetje - ook n noaber


Henkie - zeun van de krudenier

Bertus v/dTuuk - neefke van Grait

Martje - dochter van de aandere krudenier

Drikus v/d Tuuk - pa van Bertus en bruier van Grait

DECOR:



t Teneel stelt n gezellig binnenploatske veur tussen drij olle hoeskes met rechts n deurgang noar de krudenier en links n deurgang noar t dörp, woar asdat de aandere krudenier zit. As t douk opengait is t routduuster en heur ie de klok drij uur sloagen, den is der wat gestommel van mensen dij thoekommen.

EERSTE BEDRIEF

Paiter: *(licht aanschoten net as Grait)* Hai kerel wat is t hier ja n du du duusternis.

Grait: Ikke denk he, dat de laamp weer ais stok stok stokkend is, most mörgenvroug vot mor eevm bellen.

Paiter: Ik ken hom nait vinden.

Grait: Wat kenst nou weer nait vinden?

Paiter: Dat goatje nait van dien eh.....

Grait: Wa wat ja roar, kerels bennen toch ook aaid's ales kwiet, zal ik ais eevm voulen?

Paiter: Dou doe dat mor ais eevm. Joa wicht, ik leuf dast hom he hest. Loat mie hom nou mor eevm vasthollen, den pri pri prik ik hom der zo in.

Grait: Veurzichies nou.

Paiter: Joa doe hest makkelk proaten, mor in t duustern ken ik t gatje nait vinden.

Grait: Bist ja ook veuls te wild bezeg, zo krigst hom der toch ook nooit in. Doe ook met dien male me meroakels. Geef mor hier....kiek zugst nou wel, hai glidt der mor mor zo in. Ik ken die ja ook naarmswoar met geworden loaten. Ik mout die ja glad overaal met helpen.

Paiter: Doe hest ma makkelk proaten, doe waist ja krek woar e zit en ik ken dat in t duuster ook ja nait zain.

Grait: Da dat mout je ook op t gevuil doun, doe klowne.

Paiter: Nou den zel ik nou ais zain of ik dat kn kn knoppie vinden ken.
(het binnenlicht gaat nou an, en den gaat de deur van Berthoa dicht, dij het stoan luusteren)

Grait: Nou den zel ik mien de deurtje ook nog mor eevm opendoun.
(dut dat en draait zok nog eevm om noar Paiter en geeft hom n kushandje) Zo en nou nog eevm n dikke smok en tot mörgenvroug he? Sloap lekker en bedankt veur de mooie oavend.

Paiter: Gain dank wicht, ik heb der ja geweldeg van genoten, mouten wie toch ais voaker doun. wie kennen ja wel ais.....

Grait: Nou nait Paiter, want ik mout neudeg op ber, want domt staat mien nichie veur de deure en lig ik nog in katzwiem.

Paiter: Komt dien nichie op veziede, doar hest ja niks van zegd. Wat mooi ja, kennen wie ja mooi met ons drijven.....

Grait: Dat bekieken wie nog wel, ik wil eerst op t nust, lekker sloapen.

Paiter: Den mout ik die ja nog wel eevm toudekken.

Grait: Ik ken mie haile best allent redden heur.

Paiter: Mor den krigst ja gain kuske en ik wil ja zo geern eevm met die smokken.

Grait: Dat ken aaltied nog wel ais.

Paiter: Mor wicht hest doe den nait deur, hou gek ik op die ben?

Grait: Eh...Paiter, weltrussen, tot mörgenvroug, den is der weer n nije dag (*dut deur tou, Paiter gaat ook naar binnen, even stil en den wordt t langzaam lichtendag. Den plots vlugt deur open van Berthoa, dij naar boeten stoeft en an belt bie Keetje, krulspelden in t hoar, schoet veur*)

Berthoa: Keetje, wordt ais wakker Keetje, tou nou, ik heb groot nijs. Keetje....

Keetje: (*opent de deur en komt naar boeten met sloaperege kop*) Wat is der wel an de hand, wat moakst doe ja n herrie en dat midden in de nacht. Hou komst der bie om t haile dörp zo op stelten te zetten. Wat hest wel?

Berthoa: Midden in de nacht zegst doe? Mens t is ja al sikkom acht uur en ik heb nijs!! Dat wilt nait heuren, dat wilt nait.

Keetje: Den huifst mie doar toch ook nait wakker veur te moaken, (*wil zok omdraaien en weer in hoes gaan*)doe maal ibbel

Berthoa: (*pakt heur bie aarm en trekt heur weer naar boeten*) Wicht ik heb ja groot nijs.

Keetje: t Zel mie wat wezen, dat nijs van die. Dat haarst lest ook en dou deugde der gain aine moer van en kreeg ik der ook nog sikkom de schuld van. Dat huif ik dus nait weer.

Berthoa: Nee wicht, dit is haile wat aans, dit gaat over dij grode schuunsmarsjeerder van hiernoast.

Keetje: Wel mainst? Toch nait onze.....

Berthoa: Joazekers, dij juist wel.

Keetje: Doe mainst (*met doeme achteroet*) dij eh...

Berthoa: Presies, dij aigenste Paiter Hupzeeltje. Dij mout zok de ogen tot de kop oetschoamen, dat mout e.

Keetje: Das ja auids zo'n nette kerel en doar zol wat met wezen? Nee, dat ken ik mie ja nait veurstellen.

Berthoa: Nou t is aal woar, ik heb t ja zulf met mien aigen ogen zain. Nou ja.... Heurd heb ik t en dat heb ik.

Keetje: Hest doe dat met dien aigen ogen heurd? Das ja n grode wonder wicht. Nou vertel den moar ais wat ofst doe heurd hest met dien aigen ogen.

Berthoa: Nou, hai eh...hai het t met Grait van der Tuuk doan en dat het e.

Keetje: Hai het t doan met Grait enneh, wat het hai den wel doan?

Berthoa: Nou gewoon, waist ja wel.

Keetje: Nee, dat wait ik nait, vertel.

Berthoa: Nou ja zeg, ikkeh..ik main eh... nou wat vraauwlu en manlu auids doun, waist ja wel.

Keetje: Oh, doe mainst?....

Berthoa: Presies.

Keetje: En dat hest doe heurd?

Berthoa: Joa.

Keetje: Doe zelst dat den toch zeker wel zain hebben, want hou ken je dat nou heuren?

Berthoa: Dat kon ik toch zeker nait zain, want t was ja routduuster.

Keetje: Was de laamp den oet?

Berthoa: Joa., dij is ja al n dag of wat stokkend.

Keetje: Mor zai bennen toch old en wies genug om te doun wat zai willen en doar hest doe toch niks met te moaken?

Berthoa: Vinst doe dat den nait schoamachteg? Nou woont dat mens hier nog gain half jaar en den beleef je al zokswat. De goie naam van ons mooie dörp wordt zo wel eevm mooi te grabbel gooid

Keetje: Mor wat zai doun, dat mouten zai waiten en traauwens doar huifst doe mie ook midden in de nacht nait veur wakker te moaken.
(draait zok om en gaat weer in hoes)

Berthoa: Nou moe, dij dut net of dat haile gewoon is, wat zai doar oetvreten hebben. Hai, hai woar mout t toch noar tou in dizze wereld.*(gaait ook in hoes. Eevm stil en den komt Henkie op evt. met fiets, den ken hai op pakkiedroager gaan zitten schrieven of gaat bie Berthoa zitten, hai belt an bie Berthoa.)*

Berthoa: *(komt noar boeten)* Wat bist ja loat?

Henkie: t Is net acht uur, das toch mooi op tied. Ik kom t boukje eevm ophoalen, dij hebben ie vast al kloar liggen nait?

Berthoa: Hou ken dij nou kloar liggen ast doe al op zo'n onneuzel vroug uur langs komst? *(hoalt hom oet schoetbuuts)* Hier is e, schrief mor eevm op. n haalf pond sukker, *(Henkie herhoalt ales terwiel e schrift)* n pakkie botter,

Henkie: Margarine zeker?

Berthoa: Joa vanzulms.

Henkie: n Pakkie haardlopersbotter dus.

Berthoa: Schrief doe nou mor en dou ook moar drij plakjes moagere kees en twij fleskes bier

Henkie: Verjoardagsfeessie?

Berthoa: Nait zo brutoal he, aans mout ik ais met dien olheer gaan praoten.

Henkie: Ik dou t nait weer.

Berthoa: Das die geroaden ook. Dou der ook nog mor eevm n kevort

gruintesoep bie.

Henkie: Ain kevort??

Berthoa: Dat waist zeker nait wat of dat is he? Nou dat is ain enveloppie.

Henkie: Oh, zo ja. Welke mout t wezen Royco of California?

Berthoa: Wat is de duurste?

Henkie: Royco is eevm duurder as California.

Berthoa: Ik von California aaid al slim lekker, dus dou die mor.

Henkie: (*schrift*) ain **kevort** California gruintesoep. Mouten ie ook nog kovvie of thee?

Berthoa: Joa, dou mie der nog moar n pakkie sokkeraai bie, want dat schiet van dij Douwe is mie veuls te duur

Henkie: Wie hebben ook nog wat nijs in de handel

Berthoa: t Zel mie wat wezen en wat mag dat den wel wezen?

Henkie: Brinta.

Berthoa: Brinta, doar hebk ja nog nooit van heurd.

Henkie: Hebben ie doar nog nooit van heurd? Hou ken dat nou, ie waiten ja aaid ales. Kraanten hebben der vol van stoan.

Berthoa: Heb ik nait lezen en ik huif dat ook nait..

Henkie: Mor t is haile lekker en gemakkelk en t köst mor zes en viefteg sent per pak.

Berthoa: Ik huif dat schiet nait en zo ist ook eerst weer genug. Bist al bie buurvraauw west?

Henkie: Nee, doar mout ik domt nog hen of is ze nait thoes?

Berthoa: Joawel wie hemmen al eevm proat en zai vertelde mie dingen over Pait en Grait hierzo, doar slagst stail van achterover.

Henkie: Is t woar, ist zo slim. Wat is doar den met?

Berthoa: Joa, dat ken ik die nait vertellen, zo slim is t. Zai doun t met nkanner en dat doun ze.

Henkie: Zai met heur drijven?? Lekker modern ja.

Berthoa: Nee jong allent Pait met Grait, mor magst der nait over proaten en zeker nait dast t van mie hest.

Henkie: Nee, ik heb slöt op mond. (*Berthoa gaat in hoes en Henkie belt bie Keetje an*)

Keetje: (*komt noar boeten met t boukje in de hand*) Moi Henkie, al vroug bie t pad ja.

Henkie: Ja je mouten der op tied bie wezen he? Ie hebben t boukje vast al kloar?

Keetje: Dat hest ja t laifste. Nog wat nijs in de handel?

Henkie: Joahoa, wie hebben nou Brinta.

Keetje: Dat hebk in t Nijsblad lezen en dij haar ik ook al in t boukje schreven, joa ik wos nait of jullie t al haren. t Liekt mie wel handig,

n vlotje op t bord, n scheut melk en sokker derbie en kloar.

Henkie: Joa en t is nog hartstikke lekker ook.

Keetje: Oh, doe hest t al pruift?

Henkie: Ik zit t dichtste bie t vuur he.

Keetje: Nou den zai ik t wel verschienen, nog nijs opdoan van d'overkaant?

Henkie: Joa, der wordt hier nog al wat rommelt op t hofke heb ik heurd, mor doar mog ik nait over proaten.

Keetje: As ik de schuld der mor nait van krieg.

Henkie: Den bennen ie ducht mie riekelk an de loate kaant, mor ik mout der vandeur, want ik mout nog n stok of wat meer doun. moi he.

Keetje: Dat verrekte rötwife. Is ze al weer bezeg, dij ken t ook nait loaten. *(lopt noar Grait en belt n moal of wat an, Grait komt noar boeten, in t nachthemd)*

Grait: Hai kerel toch, ik sluip nog as n kou. Der is toch gain brand of zo?

Keetje: Nee, gelokkeg nait, mor ik mout die wel eevm woarschaauwen veur ons gezoameleke buurvraauw, dij is weer lös.

Grait: Oh, das niks biezunders, dat bennen wie ja wel went van heur. Wat het zai nou weer bedocht?

Keetje: Nou, noar wat zai mie vertelde, bennen jullie vannacht goud tekere goan, hier veur de deure.

Grait: Liekt mie stug, dat ik hier veur de deure wat dou, wat ik binnen ook ken doun en zeker nait midden in de nacht.

Keetje: Midden in de nacht?

Grait: Joa wicht t was al drij uur west, vandoar da'k net wakker ben.

Keetje: Wat dut dat mens den midden in de nacht op de loere te goan stoan, dij is ja laank nait goud in de kop.

Grait: Blad komt zeker weer an de bomen. Mor goud, ik wil mie eevm hemmeln en den nog eevm noar de gruinteboer. Drok, drok, drok. Nou ik zai die nog wel weer. *(of)*

Keetje: Nou dat kon ik den ook wel ais goan doun *(ook of in hoes)*

Paiter: *(komt fris en monter op)* Hahaaa, t zunnetje schient alweer en dat wordt weer n prachtege dag *(Berthoa komt op met bosschoppenmadde)* Nou ja dat docht ik tenminste, mor nou wait ik t nait meer.

Berthoa: Wat waist doe nait meer Paiter?

Paiter: Kiek en dat wait ik nou net nait meer.

Berthoa: Oh, dat van gusteroavend zeker, bist dat haildaal kwiet?

Paiter: Nee, dat wait ik nog wel, dat was n prachtege oavend, doar

heb ik echt wel van genoten heur.

Berthoa: Joa, dat ken ik mie indenken.

Paiter: Doar waist doe niks van, doe wast der ja haile nait bie.

Berthoa: Mor ik wait der ales van en ik heb ales metmoakt, ast doe dat mor waist en ik vin die mor n hail vies kereltje.

Paiter: Doe vinst mie n vies kereltje? Of bist sjeloers?

Berthoa: IKKE??? Hou komst doar wel bie? Doe denkst toch zekers nait dat ik mie deur die loat aanrannen?

Paiter: Ik die aanrannen? Mens al haar ik ook n vat vol zolte herens op, den kreeg ik nog gain dörst op die.

Berthoa: Joa lul,..ehh.... ik main klets doe mor. Ik wait ja wel beter. Ik heb jullie wel heurd gusteroavend. t Haile dörp prat der schaande van.

Paiter: Nou doe kletst mor rusteg wieder, dat dust ook gain honderd joar meer, *(gaait weer in hoes)*

Berthoa: Na, den heb ik nog wel eevm tied om noar de slagter te goan. *(links of eevm stil en den komt Bertus op, koffer bie hom, staait bie Keetje veur de deur)*

Bertus: Zo en as ik nou nog wos op wat nummer mien taande woonde, den was ik der haildaal kloar met. *(Keetje komt noar boeten)*

Keetje: Most bie mie wezen?

Bertus: Docht t nait.

Keetje: Mor staaist hier wel wat veur mien deur te preveln, bie wel most den wezen?

Bertus: Ik mout bie mien taande wezen.

Keetje: Hou hait dien taande den en wel bist doe?

Bertus: Ik ben Bertus en ikkeh.....

Keetje: Oh, wacht ais, den bist doe vanzulf noar dien taande nuimt, den most doe hier tegenover *(wiest)* wezen en dus nait bie mie. Volgens mie is zai thoes, kenst zo noar binnen lopen den zugst heur wel.

Bertus: Nou, harteliëks bedankt en...oh dij is alweer binnen. Proatgroage lu hier. *(lopt noar deur van Berthoa en belt/klopt an mor gain mens dij open dut.)* Wat roar en zai zol ja thoes wezen volgens de buurvraauw. *(hai perbaaiert de deur, dij opengaait en hai lopt noar binnen)*Hallo, bennen ie doar taande? *(Martje komt van links op met n bosschoppenmadde met doar verschillende dingen)*

Martje *(belt an bie Paiter, dij noar boeten komt)* Goidag, ik kwam t boukje eefkes ophoalen.

Paiter: Moin Martje bist doe doar al laiverd? Wacht den pak ik t boukje

eevm. *(ze gaan soamen op t bankje zitten, Martje pakt t boukje en n potlood en dut de tas open en hoalt der n pak Brinta oet)* Wat is dat hest wat nijs metnomen?

Martje: Joa, das Brinta, dat wordt van verschillende soorten koren moakt, is haile gezond, haile gemakkelk en haile nait duur.

Paiter: Dat mout ik den ja vot perbaaiern wicht. En wat hest nog meer in de madde?

Martje: Nou, wie hebben van de week ook de socioaltjes in de aanbaiden. n Haalf pond veur mor negentwinneg sent en boterhamworst in dikke plakken veur in de macaroni.

Paiter: Dou mie t apmoal mor wicht, mor most der den wel eevm n pak macaroni biedoun.

Martje: Dat dou en ik zai dat ie de rest apmoal al opschreevm hebben, dat is dus weer keurig veur nkanner. *(inmiddels komt Grait ook noar boeten met n boukje)* den bel ik nou nog eevm aan bie joen noaberske.

Grait: Dat huift nait meer wicht, hier ben ik aal, met mien boukje invuld en aal.

Martje: Ik geleuf, dat t vandoag mien geluksdag is. klanten haren apmoal t boukje al kloar. Wollen ie der ook nog n pak Brinta bie hebben?

Grait: Nee, dou dat mor nait ik ken dat nait.....

Paiter: En wat n boerin nait lust dat eet zai nait, zo is t zeker weer he. Nou wicht ik heb mie wel n pak besteld en magst van mie wel wat perbaaiern.

Martje: Dat aanbod maggen ie nait waigeren, want aans kennen ie nait metproaten.

Grait: Nah, t is goud met die. Ik goa t perbaaiern en as t bevaalt, koop ik mie ook n pak.

Martje: Kiek, zo mag ik t heuren. *(zai gaat weer wieder, mor verget t boukje met te nemen.)*

Grait: Hest doe vandoage al met aine proat Paiter?

Paiter: Nee, nou ja dat wil zeggen ik heb n paar woordjes met dij haalsknup van hierover proat.

Grait: Nou, volgens mie het dij weer last van veurjoarsmuideghaid.

Paiter: Den mout ze ja pleegzusters bloudwien drinken. Of haar ze dij al had messchain?

Grait: Ze is weer oareg an t reudeln west ducht mie zo.

Paiter: Ach wicht, doar trekst doe die toch zekers niks van aan? Most mor zo reken, ze kennen beter over die reudeln as over die zwiegen, want das ook nait goud.

Grait: *(ontdekt inainen, dat zai t boukje nog in hannen het)* Oh wat ja

stom nou het zai t boukje nait metkregen, nou mout ik domt nog mor efkes brengen. (*Martje komt weer op*) Zo bist weer wakker wicht? Haarst wat vergeten he?

Martje: Joa geef mie de schuld mor weer, ik wol hom zo-even van joe annemen, mor ja ie hielen hom zo stief vast, dat ik docht, mot der loater mor eevm weer hen.

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto